

Bosna i Hercegovina
Federacija Bosne i Hercegovine
Federalno ministarstvo energije, rudarstva i industrije
Mostar



**Program
utroška sredstava utvrđenih u razdjelu 17. Budžeta Federacije Bosne i
Hercegovine za 2021. godinu Federalnom ministarstvu energije, rudarstva i
industrije „Tekući transferi i drugi tekući rashodi - Subvencije privatnim
preduzećima i poduzetnicima-za uvezivanje radnog staža“**

1. UVOD

Penzijsko osiguranje predstavlja najznačajniju kariku u sistemu socijalnog osiguranja u Federaciji Bosne i Hercegovine. Sistem penzijskog osiguranja u savremenim društvenim sistemima ima veliki značaj zbog činjenice da je penzijsko osiguranje jedan od stubova socijalne stabilnosti, obzirom da se kvalitetnom organizacijom ovog vida osiguranja postiže zaštita osoba starije životne dobi. Najvažnija funkcija penzijskog sistema je da pojedincima i njihovim familijama posluži kao mehanizam koji će im omogućiti raspodjelu potrošnje tokom cijelog životnog vijeka. Trenutno veliki broj radnika u Bosni i Hercegovini i dalje ima probleme sa neuvezanim radnim stažem, usljed čega mnogi ne mogu ostvariti pravo na odlazak u penziju. Radnici koji su ispunili uslove za penziju, ne mogu je ostvariti zbog neuvezanog radnog staža, tako da oni čine jednu od najosjetljivijih kategorija društva.

Kako se radi o iznimno značajnom socijalnom pitanju, u Budžetu Federacije Bosne i Hercegovine za 2021. godinu, u razdjelu 17, ekonomski kod 614 - Tekući transferi i drugi tekući rashodi, na poziciji - Subvencije privatnim preduzećima i poduzetnicima, osigurana su sredstva za uvezivanje neuplaćenog staža za radnike koji potražuju svoja prava od privatnih firmi sa područja Federacije Bosne i Hercegovine.

2. PRAVNI OSNOV

- Strategija razvoja industrije tekstila, odjeće, kože i obuće u Federaciji Bosne i Hercegovine za period 2013-2023. godine ("Službene novine Federacije BiH", broj 65/13)
- Strategija razvoja drvne industrije Federacije Bosne i Hercegovine za period 2016.-2025. godina („Službene novine Federacije BiH“, broj 70/18);
- Strategija razvoja industrije građevinskog materijala Federacije Bosne i Hercegovine za period 2018.-2025. godine („Službene novine Federacije BiH“, broj 70/18);
- Strategija razvoja metalnog i elektro sektora Federacije Bosne i Hercegovine za period 2016.-2025. godine („Službene novine Federacije BiH“, broj 70/18);
- Akcioni plan za period 2019.-2023. godine za realizaciju Strategije razvoja industrije tekstila, odjeće, kože i obuće u Federaciji Bosne i Hercegovine za period 2013-2023. godine (Zaključak V. broj 1239/2018 od 25.10.2018. godine).

3. ZAKONODAVNI OKVIR PROVOĐENJA PROGRAMA

- Budžet Federacije Bosne i Hercegovine za 2021. godinu („Službene novine Federacije Bosne i Hercegovine“, broj 4/21);
- Zakon o izvršavanju Budžeta Federacije Bosne i Hercegovine za 2021. godinu („Službene novine Federacije Bosne i Hercegovine“, broj 4/21);

4. CILJ I NAMJENA PROGRAMA

Program utroška sredstava utvrđenih u razdjelu 17. Budžeta Federacije Bosne i Hercegovine za 2021. godinu Federalnom ministarstvu energije, rudarstva i industrije „Tekući transferi i drugi tekući rashodi - Subvencije privatnim preduzećima i poduzetnicima-za uvezivanje radnog staža“, (u daljem tekstu: Program) ima za cilj

penzionisanje zaposlenika kroz finansiranje dijela neizmirenih obaveza preduzeća za PIO/MIO, zaposlenicima koji ostvaruju to pravo.

Raspoloživa sredstva su grant sredstva i dodjeljuju se za izmirenje dugovanja preduzeća za neplaćene doprinose samo po osnovu obaveza za PIO/MIO, zaposlenicima koji su stekli uslove za odlazak u penziju ili će ih steći do dana podnošenja zahtjeva za dodjelu istih, po raspisanom Javnom pozivu.

Kao rezultat realizacije Programa, imamo rješavanje socijalnog statusa zaposlenika kroz penzionisanje.

5. KORISNICI SREDSTAVA

Korisnici sredstava po ovom Programu su privatna preduzeća koja su osnovana po Zakonu o privrednim društvima („Službene novine Federacije BiH“, broj 81/15), sa sjedištem u Federaciji Bosne i Hercegovine i čija je primarna/osnovna djelatnost proizvodnja u sljedećim granama industrije:

- Metalna, elektro i automobilska industrija,
- Industrija građevinskog materijala,
- Drvena, papirna i grafička industrija,
- Proizvodnja tekstila, kože i obuće,
- Hemijska industrija i industrija gume i plastike.

Privatna preduzeća su preduzeća u kojem privatno/a lice/a ima/ju udio u vlasništvu u iznosu, najmanje, 50% plus jedna dionica.

6. KRITERIJI ZA IZBOR KORISNIKA

Pravo na učešće po ovom Programu i dodjelu grant sredstava imaju preduzeća koja ispunjavaju sljedeće osnovne kriterije:

- 1) da su sa sjedištem u Federaciji Bosne i Hercegovine;
- 2) da se bave djelatnostima definisanim u tački 5. Programa;
- 3) da su u većinskom privatnom vlasništvu (u vlasništvu privatnog/ih lica najmanje 50% plus jedna dionica);
- 4) da zapošljavaju najmanje 5 zaposlenika.

Napomena: Pravo učešća po ovom Programu imaju i preduzeća u poteškoćama ili u stečaju, izuzev preduzeća koja su likvidirana. Broj zaposlenih se ne odnosi na preduzeća u stečaju.

Zahtjevi koji ispunjavaju zadane, osnovne kriterije, ocjenjuju se po obrazcu 1.

Obrazac 1.

KRITERIJI	Mogući broj bodova	Ostvareni broj bodova
Broj zaposlenih u preduzeću		
Broj zaposlenih u preduzeću od 5 do 15	2	
Broj zaposlenih u preduzeću od 16 do 25	4	
Broj zaposlenih u preduzeću od 26 do 30	8	
Broj zaposlenih u preduzeću >30	10	
Status preduzeća		
Preduzeće zbog stečaja treba dodatna sredstva za uplatu PIO za penzionisanje	6	
Preduzeće nije u stečaju	2	
Broj radnika koji će se penzionisati		
Broj penzionisanih <5	5	
Broj penzionisanih od 5 do 8	7	
Broj penzionisanih od 9 do 11	9	
Broj penzionisanih od 12 do 15	12	
Broj penzionisanih od 16 do 20	15	
Broj penzionisanih >20	20	
UKUPNO OSTVARENO BODOVA		

Dodatni kriteriji za izbor korisnika sredstava se mogu definisati u Javnom pozivu ili u posebnim, internim aktima koja po potrebi donosi Komisija za izbor korisnika.

7. SREDSTVA PREDVIĐENA ZA DODJELU

Sredstva za provođenje ovog Programa utvrđena su Budžetom Federacije Bosne i Hercegovine za 2021. godinu, u razdjelu 17, ekonomski kod 6145, „Tekući transferi i drugi tekući rashodi - Subvencije privatnim preduzećima i poduzetnicima-za uvezivanje radnog staža“ u iznosu od 3.000.000,00 KM.

Navedena sredstva su grant sredstva Ministarstva i dodjeljivati će se po raspisanom Javnom pozivu.

Dodjela sredstava po ovom Programu biti će regulisana ugovorom o dodjeli grant sredstava, koji se sklapa između Ministarstva sa jedne strane, i korisnika, sa druge strane.

Po ovom Programu ne mogu aplicirati privredna društva koja su bila korisnici grant sredstava dodijeljenih od strane Ministarstva u budžetskoj 2020. godini, kao i prethodnim godinama, u kojima su sredstva dodjeljivana za ove namjene, a koja ista nisu opravdala, odnosno ukoliko neutrošena sredstva nisu vraćena na Jedinствени račun Trezora Federacije Bosne i Hercegovine.

Privatna preduzeća po ovome Programu mogu ostvariti pravo na dodjelu sredstava samo po jednom podnesenom zahtjevu.

8. TRAJANJE PROGRAMA

Program traje do utroška sredstava, a najkasnije do kraja fiskalne godine (odnosno do 31.12.2021. godine).

9. TIJELA NADLEŽNA ZA PROVOĐENJE PROGRAMA

Tijela nadležna za provođenje i nadzor nad namjenskim korištenjem sredstava po ovom Programu su Ministarstvo, Federalno ministarstvo finansija/financija, Porezna uprava Federacije Bosne i Hercegovine i Federalni zavod PIO/MIO, svako u okviru svoje nadležnosti.

U svrhu kontrole namjenskog korištenja dodijeljenih sredstava, korisnik je dužan dostaviti Ministarstvu pismeni dokaz od Federalnog zavoda PIO/MIO, sa spiskom zaposlenika, kojim dokazuje da su, po bilo kojem osnovu, stvoreni uslovi za odlazak u penziju navedenih u spisku. Navedeni pismeni dokaz treba dostaviti najkasnije 6 mjeseci od dana uplate grant sredstava.

U slučaju da se dodijeljena grant sredstva ne opravdaju, odnosno ukoliko uplatom sredstava odobrenih po Odluci o dodjeli sredstava radnik nije „otišao“ u penziju, Federalni zavod PIO/MIO će bez odlaganja izvršiti povrat sredstava na Jedinствени račun Trezora Federacije Bosne i Hercegovine po instrukciji Federalnog ministarstva energije, rudarstva i industrije.

10. PROVOĐENJE PROGRAMA

Sredstva se dodjeljuju na osnovu raspisanog Javnog poziva. Javnim pozivom se definišu osnovne informacije o Programu: uslovi za učešće u Programu, namjena i iznos grant sredstava koja su na raspolaganju za dodjelu, potrebna dokumentacija koja se prilaže uz zahtjev za dodjelu sredstava, način prijavljivanja, korisnici, rok i mjesto podnošenja prijava, uslovi za prijavu po Programu, postupak provođenja Programa, način prijavljivanja, mehanizmi za praćenje i kontrolu utroška odobrenih sredstava kao i ostale relevantne informacije. Javnim pozivom, od potencijalnih korisnika sredstava, će biti zatražena sljedeća dokumentacija:

1. Zahtjev za dodjelu grant sredstava (na web stranici Ministarstva www.fmeri.gov.ba),
2. Spisak zaposlenika koji sadrži i lični i matični broj osiguranika koji su ostvarili uslove za odlazak u penziju do dana podnošenja zahtjeva za dodjelu sredstava. Navedeni spisak mora biti usaglašen sa podacima iz nadležnog Federalnog zavoda PIO/MIO (za period do 31.12.2010. godine) ili nadležne Porezne uprave Federacije Bosne i Hercegovine (za period od 01.01.2011. godine), sa

datumom sticanja tog prava i iznosom duga samo na osnovu PIO/MIO, ovjeren i potpisan od strane nadležnog lica preduzeća i nadležnog Federalnog zavoda PIO/MIO /Porezne uprave,

3. Aktuelni izvod iz u sudskog registra (original ne stariji od 30 dana),
4. Statut ili odluka/akt o osnivanju (ne mora biti ovjereno),
5. Uvjerenje o poreznoj registraciji kod Porezne uprave – ID broj,
6. Uvjerenje o registraciji obveznika poreza na dodanu vrijednost – PDV broj,
7. Obavijest nadležnog zavoda za statistiku o razvrstavanju prema djelatnosti,
8. Lične karte i CIPS potvrde o prebivalištu lica ovlaštenih za zastupanje,
9. Izjavu, ovjerenu i potpisanu od strane odgovornog lica preduzeća, koja se može preuzeti na web stranici Ministarstva (www.fmeri.gov.ba) i kojom se odgovorno lice/preduzeće obavezuje da će po odobrenju grant sredstava izvršiti uplatu sredstava po osnovu duga za ostale doprinose i to za zaposlenike za koje se traže grant sredstva,
10. Spisak zaposlenika iz matične evidencije aktivnih osiguranika, izdat od strane nadležne Porezne uprave ne stariji od 30 dana od dana podnošenja zahtjeva (min. 5 zaposlenika),osim za preduzeća u stečaju.

Svi traženi dokumenti trebaju biti originali ili ovjerene kopije ne starije od 30 dana od dana podnošenja zahtjeva za dodjelu grant sredstava osim dokumenata za koje je izričito navedeno u kojoj formi se dostavljaju.

Zahtjev za dodjelu sredstava sa potrebnom dokumentacijom po Javnom pozivu, uvezan i poredan po tačkama Javnog poziva, podnosi se Ministarstvu, potpisan od strane ovlaštenog lica sa naznakom iz kojeg se industrijskog sektora traže sredstva (Metalna, elektro i automobilska industrija; Industrija građevinskog materijala; Drvena, papirna i grafička industrija; Proizvodnja tekstila, kože i obuće; Hemijska industrija i industrije gume i plastike).

U cilju provođenja postupka dodjele sredstava na osnovu podnesenih zahtjeva, federalni ministar energije, rudarstva i industrije, Rješenjem, imenuje Komisiju za pripremu i provođenje poziva za realizaciju Programa utroška sredstava utvrđenih u razdjelu 17. Budžeta Federacije Bosne i Hercegovine za 2021. godinu Federalnom ministarstvu energije, rudarstva i industrije „Tekući transferi i drugi tekući rashodi - Subvencije privatnim preduzećima i poduzetnicima - za uvezivanje radnog staža“ (u daljem tekstu:Komisija za selekciju), koja se sastoji od tri člana iz reda uposlenika Ministarstva.

Javni poziv po ovom Programu biti će raspisan nakon usvajanja Programa od strane Vlade Federacije Bosne i Hercegovine i biti će otvoren 30 dana od dana zadnje objave. Ukoliko sredstva ne budu utrošena po prvom raspisanom Javnom pozivu, Federalno ministarstvo energije, rudarstva i industrije će ponovo raspisati Javni poziv, do utroška istih.

Komisija za selekciju vrši provjeru formalne ispravnosti dokumentacije i formalno ispravne zahtjeve prosljeđuje Komisiji za ocjenu, koja razmatra dostavljene zahtjeve i prateću dokumentaciju, analizira ih i ocjenjuje prema utvrđenim kriterijima u skladu sa tačkom 6. Programa.

Nakon izvršenog ocjenjivanja, Izvještaj sa rang listom koja se formira na osnovu visine dodijeljenih bodova, dostavlja se Komisiji za selekciju koja će na osnovu Programom i Javnim pozivom definisanih kriterija, sačiniti Prijedlog sa rang listom pojedinačnih zahtjeva sa predloženim iznosima novčanih sredstava za dodjelu i isti dostaviti federalnom ministru energije, rudarstva i industrije. Federalni ministar energije, rudarstva i industrije će, na osnovu dostavljenog Prijedloga rang liste pojedinačnih

zahtjeva sa dodijeljenim iznosima novčanih sredstava od strane Komisije za selekciju, uputiti Prijedlog odluke Vladi Federacije Bosne i Hercegovine o izboru korisnika grant sredstava, na usvajanje.

Komisija za selekciju može zatražiti od preduzeća dodatna pojašnjenja i dodatnu dokumentaciju i izvršiti naknadnu verifikaciju podnijete dokumentacije.

Ministarstvo odlučuje o svim naknadnim zahtjevima korisnika za izmjenama uslijed nastupanja neplaniranih okolnosti.

Sve komisije su dužne sačiniti zapisnik.

Podnosioci zahtjeva kojima su odobreni projekti, pozivaju se na potpisivanje ugovora kojim se preciziraju sva prava i obaveze ugovorenih strana i to: iznos odobrenih sredstava, namjena sredstava, način plaćanja, rok za realizaciju projekta, način izvještavanja o realizovanim aktivnostima.

11. KONTROLA UTROŠKA GRANT SREDSTAVA

Ministarstvo će imenovati Komisiju za praćenje i evaluaciju namjenskog utroška grant sredstava po Programu.

Zadaci Komisije za praćenje i evaluaciju namjenskog utroška grant sredstava po Programu su definisani Programom, Javnim pozivom, Rješenjem o formiranju te internim aktima koja se donose po potrebi. Komisija za praćenje i evaluaciju namjenskog utroška grant sredstava po Programu je dužna sačiniti Zapisnik o utrošku sredstava za svakog korisnika.

Izvještaj o utrošku grant sredstava za 2021. godinu će se putem Ministarstva dostaviti Vladi Federacije Bosne i Hercegovine na razmatranje i usvajanje.

12. OBJAVLJIVANJE AKTA

Ministarstvo će ovaj Program, Odluku o usvajanju Programa i Odluku o dodjeli sredstava utvrđenih u razdjelu 17. Budžeta Federacije Bosne i Hercegovine za 2021. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije privatnim preduzećima i poduzetnicima - za uvezivanje radnog staža“, objaviti u „Službenim novinama Federacije BiH“ i na web stranici Ministarstva: www.fmeri.gov.ba

Ministarstvo će Javni poziv za kandidovanje Programa objaviti u dnevnoj štampi „Večernji list“ i „Dnevni avaz“, te u „Službenim novinama Federacije BiH“, kao i na web stranici Ministarstva: www.fmeri.gov.ba

MINISTAR
Nermin Džindić